

**“O‘ZBEKINVEST” EKSPORT-IMPORT SUG‘URTA KOMPANIYASI”
AKSIYADORLIK JAMIYATI**

**YO‘LDA TEXNIK XIZMAT KO‘RSATISHNI SUG‘URTA QILISH BO‘YICHA
OMMAVIY OFERTA**

2023 yil «__» oktabr

Kodi: K3_K7Uz

Toshkent sh.

 GK 34	Yo'lda texnik xizmat ko'rsatishni sug'urta qilish bo'yicha ommaviy oferta	FK- K3_K7Uz Betlar: 3 / 10 Sana: 05.10.2023y.
---------------------------------------------------------------------------------------------------	----------------------------------------------------------------------------------	------------------------------------------------------------

“TASDIQLAYMAN”
“O‘zbekinvest” EISK” AJ
Bosh direktori
R.S.Azimov

2023 yil «__» oktabr

YO'LDA TEXNIK XIZMAT KO'RSATISHNI SUG'URTA QILISH BO'YICHA OMMAVIY OFERTA

Ushbu Ommaviy oferta (keyingi o'rinlarda – “Oferta”) “O‘zbekinvest” EISK AJ (keyingi o'rinlarda – Sug'urtalovchi) tomonidan noaniq yuridik va jismoniy shaxslar doirasiga (keyingi o'rinlarda Sug'urta qildiruvchi) quyidagi shartlarda, Sug'urtalovchining axborot tizimlari orqali yo'lda texnik xizmat ko'rsatishni sug'urta qilish to'g'risidagi shartnomani (keyingi o'rinlarda – sug'urta Shartnomasi) tuzish to'g'risida qilingan taklifidir. Shartnomaning Tomonlari Sug'urtalovchi va Sug'urta qildiruvchidir.

Ushbu Oferta shartlarini qabul qilish va belgilangan sug'urta mukofotini to'lash uning shartlarini akseptlash va sug'urta Shartnomasini tuzish uchun Sug'urta qildiruvchining roziligi hisoblanadi. Sug'urta qildiruvchi tomonidan sug'urta mukofoti to'langanligi tasdiqlangandan so'ng, unga elektron pochta orqali sug'urta polisining elektron hujjati yuboriladi va sug'urta Shartnomasi tuzilgan hisoblanadi.

Ushbu Ofertaning shartlariga muvofiq, Sug'urtalovchi bilan sug'urta shartnomalari tuzadigan va sug'urta badallarini to'laydigan yuridik shaxslar, mehnatga layoqatli jismoniy shaxslar – O'zbekiston Respublikasi fuqarolari, chet el fuqarolari va fuqaroligi bo'lmagan shaxslar Sug'urta qildiruvchilar hisoblanadi.

O'zbekiston Respublikasi Fuqarolik Kodeksining 370-moddasiga muvofiq ushbu Oferta shartlarini so'zsiz qabul qilish (akseptlash) Oferta shartlarini Qabul qilish deb hisoblanadi, va bu bilan quyidagilarga rozilik bildiriladi:

- ushbu Oferta shartlari, shu jumladan unda ko'rsatilgan sug'urta qilish shartlari;
- arizani to'ldirishda ko'rsatilgan shaxsga doir ma'lumotlarga ishlov berish uchun, shu jumladan yig'ish, tizimlashtirish, to'plash, saqlash, aniqlashtirish, foydalanish, egasizlantirish, blokirovka qilish, yo'q qilish (yo'q qilish to'g'risida xabar bermasdan), avtomatlashtirilgan yoki avtomatlashtirilmagan usulda ishlov berish orqali 5 yil muddatga sug'urta faoliyatini amalga oshirish maqsadida, shuningdek sug'urta Shartnomasini bajarish maqsadida, ichki ish yuritishni uchinchi shaxslarga topshirish.

Sug'urta qildiruvchi o'z huquqi va muomala layoqatini tasdiqlaydi, shuningdek Sug'urtalovchining Internet-resursi orqali sug'urta Shartnomasini tuzish natijasida o'ziga yuklatilgan majburiyatlar uchun javobgarlikni anglaydi.

Sug'urtalovchining Internet-resursida sug'urta Shartnomasini onlayn rejimida tuzish uchun Sug'urta qildiruvchi elektron pochta manzili va mobil telefon raqamiga ega bo'lishi shart.

Sug'urtalash uchun ariza bo'lib Sug'urta qildiruvchi tomonidan Sug'urtalovchining Internet-resursida sug'urta Shartnomasini tuzish uchun zarur va ahamiyatli bo'lgan barcha ma'lumotlarni kiritish hisoblanadi.

Sug'urtalovchi O'zbekiston Respublikasi “Sug'urta faoliyati to'g'risida”gi Qonunining 26-moddasi talablariga muvofiq Sug'urta qildiruvchi va sug'urta Shartnomasida ko'rsatilgan boshqa jismoniy shaxslarning shaxsga doir ma'lumotlari xavfsizligini va oshkor qilinmasligini ta'minlash majburiyatini oladi.

Keyingi o'rinlarda matnda keltirilgan “Oferta”, “Sug'urta shartnomasi” va “Sug'urta polisi” havolalari ushbu elektron hujjatga nisbatan bir xil ma'no ega.

1-BO'LIM. UMUMIY SHARTLAR

1.1. Umumiy tushunchalar:

1.1.1. Sug'urtalovchi – O'zbekiston Respublikasi qonunchiligiga muvofiq va O'zbekiston

 UZBEKINVEST sug'urta kompaniyasi	Yo'lda texnik xizmat ko'rsatishni sug'urta qilish bo'yicha ommaviy oferta	FK- K3_K7Uz
GK 34		Betlar: 4 / 10 Sana: 05.10.2023y.

Respublikasi Moliya vazirligining 2020 yil 11 dekabrda SF 00006-sonli Lisenziyasiga asosan o'z sug'urta faoliyatini olib boruvchi "O'zbekinvest" EISK" AJ.

1.1.2. **Sug'urta qildiruvchi** – ushbu Oferta shartlarida Sug'urtalovchi bilan sug'urta Shartnomasini tuzgan yuridik va jismoniy shaxs.

1.1.3. **Sug'urta shartnomasi** - yozma shartnoma, unga ko'ra Sug'urtalovchi sug'urta shartnomasida nazarda tutilgan sug'urta hodisasi yuzaga kelganda Haydovchiga texnik yordam ko'rsatishni tashkil etish va yordam ko'rsatish majburiyatini oladi;

1.1.4. **Sug'urta polisi** - sug'urta shartnomasi tuzilganligini tasdiqlovchi va sug'urta mukofoti to'langanidan keyin Sug'urta qildiruvchiga beriladigan hujjat. Sug'urta polisi Haydovchi tomonidan boshqariladigan transport vositasiga ushbu transport vositasi uchun tegishli sug'urta mukofoti to'langan holda beriladi;

1.1.5. **Sug'urta puli** - sug'urta polisida belgilanadigan va sug'urta polisi bo'yicha Sug'urta qildiruvchi/Haydovchi oldidagi Sug'urtalovchining moliyaviy majburiyatlarining maksimal miqdorini ifodalovchi pul summasi;

1.1.6. **Sug'urta mukofoti** - Sug'urta qildiruvchi sug'urta polisida belgilangan tartibda va muddatlarda Sug'urtalovchiga to'lashi shart bo'lgan sug'urta to'lovi.

1.1.7. **Haydovchi** - transport vositasidan qonuniy asosda foydalanuvchi shaxs (transport vositasi egasi, mulkni ijaraga berish shartnomasi yoki transport vositasini boshqarish huquqiga ishonchnoma yoki tegishli organning transport vositasini boshqa shaxsga o'tkazish to'g'risidagi buyrug'i bo'lgan shaxs);

1.1.8. **Ekspert** – avtotransport vositasining to'xtab qolishi yoki buzilishi sabablarini aniqlash va Haydovchiga zarur yordam ko'rsatish uchun maxsus bilim, ko'nikma, asbob-uskunalar va vositalarga ega bo'lgan Sug'urtalovchi xodimi yoki Sug'urtalovchi tomonidan vakolat berilgan boshqa shaxs;

1.1.9. **Sug'urtalovchining yordam xizmati** - yuridik shaxs bo'lib, Sug'urtalovchi nomidan va uning topshirig'iga ko'ra ish yuritadi va Texnik yordam dasturida ko'rsatilgan voqealar sodir bo'lganda Haydovchiga yordam beradi. Yordam xizmatining dispatcherlik markazi kechayu kunduz ishlaydi;

1.1.10. **Texnik yordam dasturi (TYD)** - muayyan xizmatlarni o'z ichiga olgan dastur, uning doirasida Haydovchiga yo'lda sodir bo'lgan transport vositasining yo'lda to'satdan va kutilmagan tarzda to'xtashi yoki buzilishi natijasida texnik yordam ko'rsatiladi;

1.1.11. **Hizmat ko'rsatish hududi** - sug'urta hodisasi sodir bo'lgan taqdirda, Sug'urtalovchi TYDda ko'rsatilgan xizmatlarni ko'rsatishi shart bo'lgan hudud, ya'ni Toshkent shahri;

1.1.12. **Sug'urta muddati** - sug'urta polisida ko'rsatilgan muddat; uning davomida TYDga kiritilgan xizmatlar ko'rsatiladi.

1.2. Sug'urta Shartnomasini tuzish va kuchga kirish tartibi:

1.2.1. Ushbu Oferta Sug'urtalovchi tomonidan Sug'urta qildiruvchiga sotuv va sug'urta xizmatlarini ko'rsatish shartlarini belgilaydigan elektron hujjatdir;

1.2.2. Sug'urta Shartnomasi (sug'urta polisi) Sug'urta qildiruvchi Sug'urtalovchiga axborot tizimlaridan foydalangan holda taqdim etgan ma'lumotlari asosida shakllantiriladi;

1.2.3. Sug'urta qildiruvchi elektron arizaning talab qilingan maydonlarini mustaqil ravishda va arizada ko'rsatilgan hujjatlarning asliga muvofiq ravishda to'ldiradi;

1.2.4. Sug'urta qildiruvchi arizadagi hujjatlarning asliga to'g'ri va bir xilligi uchun javobgarlikni o'z zimmasiga oladi, shuningdek, arizadagi hujjatlar ularning asl nusxalariga to'g'ri kelmasa, sug'urta hodisasi sodir bo'lganda, Sug'urtalovchi sug'urta tovonini to'lashdan bosh tortishga haqli ekanligiga rozilik bildiradi;

1.2.5. Arizada ko'rsatilgan va unga kiritilgan hujjatlarning ma'lumotlari avtomatik ravishda Sug'urta Shartnomasi (sug'urta polisi)ga kiritiladi;

1.2.6. Ofertada taklif qilingan sug'urta shartlari bilan rozi bo'lsa, Sug'urta qildiruvchi Sug'urtalovchining axborot tizimida o'z roziligini tasdiqlaydi va sug'urta Shartnomasini tuzish to'g'risidagi Arizani (keyingi o'rinlarda Ariza) onlayn rejimda Sug'urtalovchining axborot tizimlaridan foydalanish orqali to'ldirishga o'tadi;

 GK 34	Yo'lda texnik xizmat ko'rsatishni sug'urta qilish bo'yicha ommaviy oferta	FK- K3_K7Uz Betlar: 5 / 10 Sana: 05.10.2023y.
---------------------------------------------------------------------------------------------------	----------------------------------------------------------------------------------	------------------------------------------------------------

1.2.7. Arizani to'ldirishda sug'urta hodisasining sodir bo'lish ehtimoli va uning sodir bo'lishidan ko'rilishi mumkin bo'lgan zarar miqdori (sug'urta xavfi)ni aniqlash uchun Sug'urtalovchi uchun ahamiyatli va zarur bo'lgan barcha ma'lumotlarni ko'rsatish talab qilinadi. Barcha ma'lumotlar hujjatlarning asl nusxalariga qat'iy muvofiq ravishda ko'rsatilishi shart;

1.2.8. Ariza to'ldirilganidan so'ng, Sug'urtalovchining axborot tizimi tomonidan avtomatik ravishda "Sug'urta mukofotini to'lash va sug'urta polisini rasmiylashtirish" tugmachasiga ochiladi;

1.2.9. Sug'urta Shartnomasining tomonlari Sug'urta qildiruvchi tomonidan sug'urta polisi olinganligi sug'urta Shartnomasi (sug'urta polisi)ni tegishli tarzda imzolash hisoblanishini tasdiqlaydilar;

1.2.10. Ushbu Ofertani qabul qilish va sug'urta Shartnomasini tuzish sanasi Sug'urtalovchining axborot tizimi tomonidan Sug'urta qildiruvchining sug'urta mukofotini to'langanligi tasdiqlangan sana hisoblanadi;

1.2.11. Sug'urtalovchining majburiyatlari (sug'urtaning boshlanishi) sug'urta mukofoti to'langanidan so'ng 5 (besh) kun o'tgach kuchga kiradi va to'langan davr uchun amal qiladi.

1.3. Sug'urta Shartnomasi (polisi) bo'yicha sug'urta mukofotini to'lash tartibi:

1.3.1. Sug'urta shartnomasi (polisi) bo'yicha sug'urta mukofotini to'lash Sug'urtalovchi tomonidan qo'llaniladigan axborot tizimlaridan foydalanish orqali amalga oshiriladi (onlayn);

1.3.2. To'lov tizimining himoyalangan kanaliga keyinchalik yo'naltirish uchun arizani qabul qilishni tasdiqlash Sug'urta qildiruvchi tomonidan arizani to'ldirishda ko'rsatilgan mobil telefon raqamiga Sug'urtalovchi tomonidan SMS-xabar yuborilishi orqali amalga oshiriladi;

1.3.3. Tasdiqlash kodi bo'lgan SMS-xabarni olganidan so'ng, Sug'urta qildiruvchi elektron to'lov tizimini tanlashi kerak, shundan so'ng u tanlangan to'lov tizimining web-saytiga sug'urta mukofotining hisoblangan miqdorini Sug'urtalovchining hisob raqamiga o'tkazish uchun avtomatik ravishda yo'naltiriladi;

1.3.4. Sug'urta polisi bo'yicha sug'urta mukofotining to'langanligi to'g'risidagi tasdiqni olgandan so'ng, Sug'urtalovchining axborot tizimi avtomatik ravishda sug'urta polisini elektron shaklda rasmiylashtiradi, uni Sug'urta qildiruvchining elektron pochta manziliga yuboradi, keyinchalik Sug'urta qildiruvchini sug'urta polisi seriyasi va raqami to'g'risidagi va sug'urta polisi elektron tarzda yuborilganligi to'g'risidagi ma'lumotlarni o'z ichiga olgan SMS-xabarni yuborish orqali xabardor qiladi;

1.3.5. Sug'urtalovchi to'lov Provayderining harakatlari/harakatsizligi, shuningdek Sug'urta qildiruvchining elektron to'lov tizimi va Internet orqali to'lov bilan bog'liq har qanday zarar va xavflari uchun javobgar emas.

1.3.6. Bank kartasi orqali sug'urta mukofotini to'lash to'g'ridan-to'g'ri Sug'urta qildiruvchi/Naf oluvchi - karta egasi tomonidan amalga oshirilishi kerak. Sug'urta qildiruvchi to'lovni amalga oshirish uchun bank kartasini boshqa shaxsga topshirgan taqdirda, Sug'urta qildiruvchi unga bog'liq barcha xavflarni o'z zimmasiga oladi va bu holda sug'urta mukofotini to'lash Sug'urta qildiruvchi tomonidan amalga oshirilganligiga rozilik bildiradi.

1.3.7. Sug'urtalovchining axborot tizimidagi "Sug'urta mukofotini to'lash va sug'urta polisini rasmiylashtirish" tugmachasini bosish bilan, shuningdek shakllangan sug'urta mukofotini to'lash orqali Oferta yuborilgan shaxs O'zbekiston Respublikasi Fuqarolik Kodeksining 370-moddasiga muvofiq ushbu Oferta shartlariga rozilik bildiradi.

1.4. Sug'urta qildiruvchining tashabbusi bilan sug'urta Shartnomasini (sug'urta polisini) muddatidan oldin bekor qilish. Sug'urta mukofotini qaytarish:

1.4.1. Sug'urta shartnomasi, agar u kuchga kirganidan so'ng sug'urta hodisasining sodir bo'lish ehtimoli yo'qolgan bo'lsa va sug'urta hodisasidan boshqa holatlar tufayli sug'urta xavfining mavjudligi to'xtatilgan bo'lsa, u tuzilgan muddatdan oldin bekor qilinadi.

1.4.2. 1.4.1-bandda ko'rsatilgan holatlar tufayli sug'urta Shartnomasi muddatidan oldin bekor qilingan taqdirda, Sug'urtalovchi sug'urta mukofotining bir qismini sug'urta amal qilgan vaqtga

 UZBEKINVEST <small>sug'urta kompaniyasi</small>	Yo'lda texnik xizmat ko'rsatishni sug'urta qilish bo'yicha ommaviy oferta	FK- K3_K7Uz
GK 34		Betlar: 6 / 10 Sana: 05.10.2023y.

mutanosib ravishda olish huquqiga ega.

1.4.3. Sug'urta qildiruvchi, agar rad etish paytigacha ushbu Ofertaning 1.4.1-bandida ko'rsatilgan holatlar tufayli sug'urta hodisasi ehtimoli yo'qolmasa, sug'urta Shartnomasini bajarishni har qanday vaqtda rad etishga haqlidir. Shu bilan birga, Sug'urtalovchiga to'langan sug'urta mukofoti qaytarilmaydi.

1.4.4. Sug'urta qildiruvchining tashabbusi bilan sug'urta Shartnomasini (Sug'urta polisini) muddatidan oldin bekor qilish Sug'urtalovchiga bekor qilish to'g'risidagi yozma arizani yuborish orqali, keyinchalik tomonlar sug'urta shartnomasini bekor qilish to'g'risida Kelishuvni imzolagan holda amalga oshiriladi.

1.4.5. Sug'urtalovchining tashabbusi bilan sug'urta Shartnomasini (Sug'urta polisini) muddatidan oldin bekor qilish faqat quyidagi hollarda bir tomonlama amalga oshiriladi:

a) Sug'urta qildiruvchi yoki Sug'urtalangan shaxs tomonidan rejalashtirilgan davolanishni amalga oshirish, tibbiyot muassasasiga, Sug'urtalovchiga noto'g'ri ma'lumotlar berish va haqiqatga mos kelmaydigan hujjatlarni taqdim etish orqali qasddan suiiste'mol qilish. Bunday holda, Sug'urtalovchi ushbu holatlar tasdiqlangan taqdirda, Sug'urta qildiruvchiga/Sug'urtalangan shaxsga yozma ravishda xabar berish orqali sug'urta Shartnomasini bir tomonlama bekor qilishga haqlidir;

b) qonun hujjatlarida va sug'urta Shartnomasida nazarda tutilgan va ruhsat etilgan hollarda.

SUG'URTALOVCHINING REKVIZITLARI: To'liq nomlanishi:

"O'zbekinvest" Eksport-import sug'urtasi kompaniyasi" aksiyadorlik jamiyati.

Pochta manzili: O'zbekiston Respublikasi, 100097, Toshkent shahri, Cho'pon ota ko'chasi, 6 uy.

Elektron pochta manzili (rasmii Internet-resurs / elektron pochta): [www.uzbekinvest.uz office@uzbekinvest.uz](mailto:office@uzbekinvest.uz) Davlat ro'yxatiga olish to'g'risida ma'lumot:

Kompaniya O'zbekiston Respublikasi Adliya vazirligi tomonidan 2020 yil 1 iyulda ro'yxatdan o'tkazildi, reyestr raqami 386.

Lisyanziya to'g'risida ma'lumot:

Lisyanziya: SF №00006 seriyali, O'zbekiston Respublikasi Moliya vazirligi tomonidan 2020 yil 11 dekabrda berilgan.

2-BO'LIM. SUG'URTA HODISASI

2.1. Sug'urta hodisasi - sug'urta muddati va xizmat ko'rsatish hududida TYD bo'yicha texnik yordam talab qiladigan transport vositasining yo'lda to'satdan va kutilmagan tarzda to'xtashi, Yo'l transport hodisasi natijasida zararlanishi yoki ichki buzilishi.

2.2. Quyida ko'rsatilgan barcha xizmatlar sug'urta muddati davomida 1 martadan ko'rsatiladi:

- YTH sodir bo'lganda xabarnoma blankasini (Yevroprotokol) to'ldirishga ko'maklashish;
- Transport vositasini evakuatsiya qilish;
- Sug'urta masalalari bo'yicha to'liq yuridik maslahatlar doimiy berib borish;
- Ehtiyot qismlar va sarf materiallarini sotib olish bilan bog'liq xarajatlarni qoplamasdan avtomobil dvigatelini ishga tushirish.
- Transport vositasi (TV) g'ildiraklarini almashtirish va/yoki ta'mirlash;
- TV davlat raqamlarini o'g'rilikdan/yo'qolishidan va YTH oqibatida yaroqsiz holga kelganda uni rasmiylashtirish va/yoki ta'mirlash xarajatlarini sug'urtalash.

3-BO'LIM. UMUMIY ISTISNOLAR

3.1. Sug'urtalovchi ehtiyot qismlar va sarf materiallarini sotib olish bilan bog'liq xarajatlarni qoplamaydi.

3.2. Agar TYDda boshqacha qoida alohida nazarda tutilgan bo'lmasa, xususiy uyning hovlisida yoki Haydovchi yashaydigan ko'p qavatli bino yaqinida texnik yordam xizmatlari ko'rsatilmaydi.

3.3. Sug'urtalovchi TYDga kiritilmagan xizmatlar tashkil qilmaydi va xarajatlarini qoplamaydi.

3.4. Sug'urtalovchi Haydovchiga xizmat ko'rsatish hududidan tashqarida yordam ko'rsatishni

 <p>UZBEKINVEST sug'urta kompaniyasi</p> <p>GK 34</p>	<p>Yo'lda texnik xizmat ko'rsatishni sug'urta qilish bo'yicha ommaviy oferta</p>	<p>FK- K3_K7Uz</p> <p>Betlar: 7 / 10 Sana: 05.10.2023y.</p>
----------------------------------------------------------------------------------------------------------------------------------------------------------	-----------------------------------------------------------------------------------------	------------------------------------------------------------------------

tashkil qilmaydi.

4-BO'LIM. TOMONLARNING MAJBURIYATLARI

4.1. Sug'urtalovchi Sug'urta qildiruvchi tomonidan axborot tizimida ommaviy shaklda taqdim etilgan ma'lumotlar uchun javobgar emas.

4.2. Sug'urtalovchi o'z vakolatiga kirmaydigan hodisa va holatlar natijasida kelib chiqadigan salbiy oqibatlar va zararlar, shuningdek uchinchi shaxslarning harakatlari/harakatsizligi uchun javobgar emas, ya'ni:

- Sug'urta qildiruvchi/Naf oluvchi tomonidan taqdim etilgan ma'lumotlar va hujjatlarning ishonchsizligi, yetarli emasligi va o'z vaqtida taqdim etilmaganligi yoki Sug'urta qildiruvchi tomonidan ushbu Ofertaning shartlari yoki hujjatlarga bo'lgan talablarning buzilganligi oqibatida o'z zimmasiga olgan majburiyatlarni bajarish imkonsiz bo'lsa;

- hujjatlarning haqiqiyliги va to'g'riligi uchun (ulardagi ma'lumotlarning ishonchliligi va to'liqligi);

- aloqa liniyalarining uzilishi, Sug'urta qildiruvchi uskunasi ishlaymay qolishi sababli Sug'urtalovchi tomonidan rasmiylashtirishning iloji yo'qligi uchun.

4.3. Tomonlar ushbu Oferta bo'yicha o'z majburiyatlarini bajarmaganliklari va/yoki lozim darajada bajarmaganliklari uchun ushbu Oferta va O'zbekiston Respublikasining amaldagi qonunchiligi tomonidan belgilangan tartib va shartlarda javobgar bo'lishadi.

4.4. Tomonlar yengib bo'lmaz kuch holatlari (fors-major) yuzaga kelgan taqdirda ushbu Oferta bo'yicha majburiyatlarni bajarmaganliklari yoki lozim darajada bajarmaganliklari uchun javobgarlikdan ozod qilinadilar.

4.5. Sud tomonidan ushbu Ofertaning biror qoidasi haqiqiy emas deb topilishi qolgan qoidalarning haqiqiy emasligiga olib kelmaydi.

5-BO'LIM. TOMONLARNING HUQUQ VA MAJBURIYATLARI

5.1. Sug'urtalovchining huquqlari:

a) Sug'urta qildiruvchidan va Haydovchidan sug'urta shartnomasi bo'yicha majburiyatlarning bajarilishini talab qilish;

b) Sug'urta qildiruvchi tomonidan taqdim etilgan ma'lumotlarni, shuningdek ularning sug'urta talablari va shartlariga muvofiqligini tekshirish;

d) Sug'urtalovchining yordam beruvchi xizmatiga murojaat qilish vaqtida Transport vositasi xizmat ko'rsatish hududidan tashqarida bo'lsa, xizmatlarni tashkil etish va to'lashdan bosh tortish;

e) ushbu Ofertaning 3-bo'limida ko'rsatilgan asoslar bo'yicha xizmatlar ko'rsatishni rad etish. Xizmatlarni ko'rsatishni rad etish to'g'risidagi qaror avtotransport vositasi buzilgan yoki to'xtagan joyda ekspert tomonidan qabul qilinadi;

f) Sug'urta qildiruvchi va Haydovchi sug'urta shartlariga rioya qilmasa sug'urta shartnomasini bekor qilish sabablari to'g'risida yozma ravishda xabardor qilgan holda bekor qilish;

g) Haydovchi Sug'urtalovchining yordam xizmati bilan shartnoma tuzmagan tashkilot tomonidan xizmatlar ko'rsatishni talab qilsa, unga xizmat ko'rsatishni rad etish.

5.2. Sug'urtalovchining majburiyatlari:

a) sug'urta mukofoti to'langanidan keyin uch kundan kechiktirmay Sug'urta qildiruvchiga TYD va sug'urta polisini topshirish;

b) sug'urta hodisasi sodir bo'lganda, ushbu Ofertada belgilangan tartibda TYDga muvofiq xizmatlar ko'rsatish;

d) Sug'urtalovchi va Haydovchi bilan munosabatlarda maxfiylikni ta'minlash.

5.3. Sug'urta qildiruvchi/Haydovchining huquqlari:

a) TYDga muvofiq xizmatlar ko'rsatishni talab qilish;

b) sug'urta amal qilish muddati davomida Sug'urtalovchidan sug'urta polisi bo'yicha maslahat olish;

d) Sug'urtalovchiga yozma ariza berish orqali sug'urta shartnomasini muddatidan oldin bekor

 <p>UZBEKINVEST sug'urta kompaniyasi</p>	<p>Yo'lda texnik xizmat ko'rsatishni sug'urta qilish bo'yicha ommaviy oferta</p>	<p>FK- K3_K7Uz</p> <p>Betlar: 8 / 10 Sana: 05.10.2023y.</p>
<p>GK 34</p>		

qilish.

5.4. Sug'urta qildiruvchining majburiyatlari:

- sug'urta mukofotini o'z vaqtida va to'liq to'lash;
- Sug'urtalovchiga sug'urta shartnomasini tuzish uchun zarur bo'lgan ishonchli ma'lumotlarni, shuningdek, sug'urta shartnomasining amal qilish muddati davomida Sug'urtalovchi tomonidan so'ralishi mumkin bo'lgan boshqa zarur ma'lumotlarni taqdim etish;
- Sug'urtalovchidan olingan hujjatlarning saqlanishini ta'minlash.

5.5. Haydovchi quyidagilarni bajarishi kerak:

a) texnik yordam xizmatlarini ko'rsatish jarayonida ekspertdan olingan ko'rsatmalarga rioya qilish va transport vositasining to'satdan to'xtash joyi, buzilgan yoki noto'g'ri ishlashi bilan bog'liq yo'l harakati qoidalariga talablariga rioya qilish;

b) sug'urta hujjatlarining saqlanishi haqida g'amxo'rlik qilish va ularni boshqa shaxslarga bermaslik.

Agar Haydovchi sug'urta shartnomasi bo'yicha texnik yordam xizmatlarini olish uchun sug'urta polisini boshqa shaxsga topshirganligi aniqlansa, Sug'urtalovchi sug'urta shartnomasini muddatidan oldin bekor qilishga haqli. Sug'urta qildiruvchi yoki Haydovchi polisda ko'rsatilmagan avtotransport vositasiga ko'rsatilgan xizmatlar narxini qoplashi shart.

d) texnik yordam xizmatlarini taqdim etmaslik, to'liqsiz yoki sifatsiz xizmat ko'rsatish holatlari haqida Sug'urtalovchini xabardor qilish.

6-BO'LIM. TEXNIK YORDAM XIZMATLARINI KO'RSATISH TARTIBI

6.1. Agar texnik yordam olish zarur bo'lsa, Haydovchi unga ekspert (Sug'urtalovchining vakolatli xodimi, boshqa yuridik shaxs, shu jumladan assistans yoki adjaster) yuborilishi uchun sug'urta polisida ko'rsatilgan raqamga qo'ng'iroq qilib, Sug'urtalovchining yordam xizmatining dispetcherlik markaziga murojaat qilishi kerak. Buni amalga oshirishda quyidagi ma'lumotlar taqdim etilishi kerak:

- Haydovchining to'liq ismi-sharifi;
- sug'urta polisining raqami va seriyasi;
- transport vositasining davlat raqami;
- transport vositasining noto'g'ri ishlashi yoki buzilishining qisqacha tavsifi;
- transport vositasi va Haydovchining joylashgan joyi (manzili, yo'nalishi);
- Haydovchining telefon raqami.

Texnik yordam xizmatlari sug'urta polisi va Haydovchining shaxsini tasdiqlovchi hujjatni taqdim etgandan so'ng dispetcherlik markazi tomonidan yuborilgan ekspert tomonidan taqdim etiladi.

6.2. Agar Haydovchi ekspertning ko'rsatmalari va tavsiyalarini buzsa, shuningdek TYD tomonidan ko'zda tutilmagan xizmatlarni ko'rsatish talablarini olg'a sursa, ekspert xizmatlar ko'rsatishni to'xtatishga haqli. Shu bilan birga, Sug'urtalovchi o'z majburiyatlarini bajarishni to'xtatib turishga yoki ushbu Haydovchi va avtomobilga nisbatan sug'urta shartnomasini bekor qilish huquqini o'zida saqlab qoladi.

6.3. Ekspert Haydovchi tomonidan asossiz chaqirilgan taqdirda, Sug'urta qildiruvchi yoki Haydovchi Sug'urtalovchiga ushbu chaqirishning narxini qoplash majburiyatini oladi.

Asossiz chaqirish:

- texnik yordam ko'rsatish bilan bog'liq bo'lmagan chaqirish;
- yolg'on chaqirish (shu jumladan, sug'urta polisida ko'rsatilmagan avtotransport vositasi uchun chaqirish, texnik yordam xizmatlariga muhtoj bo'lmagan transport vositasiga jalb etish, chaqirilgan joyda Haydovchi va transport vositasining u ko'rsatgan manzilda yo'qligi va boshqalar).

Agar Sug'urta qildiruvchi yoki Haydovchi Sug'urtalovchi tegishli hisob-fakturani rasmiylashtirgan paytdan e'tiboran 3 (uch) kun ichida asossiz chaqirish uchun to'lovni to'lama, Sug'urtalovchi sug'urta shartnomasini to'xtatib turishga haqli. Sug'urta shartnomasining amal qilish muddati Sug'urta qildiruvchi yoki Haydovchi qarzni to'lagan paytdan boshlab yangilanadi.

7-BO'LIM. SUG'URTA TOVONINI TO'LAB BERISH TARTIBI

7.1. Sug'urtalovchi sug'urta polisida ko'rsatilgan sug'urta puli doirasida Haydovchiga ko'rsatilgan

 GK 34	Yo'lda texnik xizmat ko'rsatishni sug'urta qilish bo'yicha ommaviy oferta	FK- K3_K7Uz Betlar: 9 / 10 Sana: 05.10.2023y.
---------------------------------------------------------------------------------------------------	--------------------------------------------------------------------------------------	------------------------------------------------------------

xizmatlar uchun ekspert hisob-fakturalarini mustaqil ravishda to'laydi.

7.2. Sug'urta tovonni Sug'urtalovchi tomonidan sug'urta hodisasi sodir bo'lganligi tan olingan kundan boshlab va Sug'urta qildiruvchi/Haydovchi Sug'urtalovchi talab etgan barcha hujjatlarni taqdim etganidan so'ng 15 (o'n besh) kun ichida to'lab beriladi.

7.3. Sug'urtalovchining sug'urta tovonini to'lashni rad etish to'g'risidagi qarori Sug'urta qildiruvchiga sug'urta tovonini to'lashni so'rab murojaat etgandan so'ng 15 (o'n besh) bank kunidan kechiktirmay xabar berilishi va rad etish sabablarining asoslantirilgan dalil-isbotlarini o'z ichiga olgan bo'lishi lozim.

8-BO'LIM. BOSHQA SHARTLAR

8.1. O'z zimmasiga olgan majburiyatlarni bajarmaganlik yoki lozim darajada bajarmaganlik uchun tomonlar O'zbekiston Respublikasi qonun hujjatlariga muvofiq javobgar bo'ladilar.

8.2. Ushbu Ofertadan kelib chiqadigan barcha tortishuvlar va kelishmovchiliklar tomonlar o'rtasidagi muzokaralar yo'li bilan va O'zbekiston Respublikasi qonun hujjatlarida belgilangan tartibda kelishuvga erishilmagan taqdirda hal etiladi.

HUJJAT TAFTISH QILINGANLIGI HAQIDA MA'LUMOTLAR

T/r	Kiritilgan sana	Uzaytirish/ Qayta ko'rib chiqish/ Bekor qilish	Ma'lumotni kiritgan shaxsning lavozimi	Imzo	F.I.O.

Kiritildi:

Sug'urta uslubiyoti, sug'urtada
innovatsion faoliyatni va
xizmatlarni rivojlantirish
departamenti katta menejeri

F.Istamov

Kelishildi:

Bosh direktorning birinchi o'rinbosari

R.Xalikov

Bosh direktor o'rinbosari

A.Asatullayev

Strategik rivojlantirish va sifatni
boshqarish departamenti bosh menejeri

A.Abdullayev

Yuridik departament yetakchi yuriskonsulti

M.Pirimov